

Fakamā'opo'opo:

Kumi fakakaukau (consultation) ki he pule'i 'o e netiueká (network management): ngaahi me'a ke fakamu'omu'a 'i he Ngaahi Fakamatala Fakafonua mo e Fakavahe Fonua (National and Regional Statements) mo e ngaahi lao fakangāue fo'ou ki he pule'i 'o e netiueká ma'a e ngaahi ako tokamu'a kuo laisení

Ko e fatongia fo'ou ki he pule'i 'o e netiueká

Mei he 'aho 1 'o Fepueli 2023 kapau 'oku ke fie fakalele ha ako'anga tokamu'a fo'ou kuo laiseni te ke fiema'u ha fakangofua ki hono pule'i 'o e netiueká mei he Minisitā Akó kimu'a pea ke toki tohi kole ki he laisení.

'Oku 'oatu 'a e ngaahi fakaikiiki ki hono fakangofua 'o hono pule'i 'o e netiueká 'i he vahe 17 mo e 18 'o e Education Training Act (Lao ki he Akó mo e Ako Ngāué - ko e Laó).

'Oku 'i ai ha konga mahu'inga 'e ua ki hono pule'i 'o e netiueká kuo pau ke fakahaa'i 'e he tokotaha 'oku tohi kolé:

1. 'Oku 'i ai 'a e fiema'u ki ha sēvesi fo'ou 'i he fa'ahinga mo e feitu'u 'okú ke fokotu'u maí
2. 'Oku ke tuha mo taau, kau ai 'a ho'o fe'unga ki ai mo totonú, pea malava ke ke fakahoko 'a e sēvesí pea fe'unga mo ho'o tu'unga fakapa'angá.

Ngaahi fokotu'u ke fakahoko 'a e ngāue ki hono pule'i 'o e netiueka fo'oú ma'a e ngaahi ako'anga tokamu'a

'Oku mau kumi atu ke 'omai 'a ho'o fakakaukaú fekau'aki mo e 'elia tefito 'e ua ki hono aofangatuku 'a e tu'utu'uni ngāué ki hono pule'i 'o e netiueká:

1. Ngaahi Me'a ke Fakamu'omu'a 'i he Ngaahi Fakamatala Fakafonua mo e Fakavahefonuá
2. Tu'utu'uni ngāue ki he ngaahi lao fakangāue fo'oú

Fokotu'u	Fakamatalá
1. Ngaahi Me'a ke Fakamu'omu'a 'i he Ngaahi Fakamatala Fakafonua mo e Fakavahefonuá	<p>'I he kumi fakakaukau 'o e ta'u kuo 'osí na'e poupou'i 'e he sekitoá 'a hono fakahū mai 'o e ngaahi fakamatala fakafonua mo fakavahefonua 'a ia 'e fakamatala'i ai 'a e:</p> <ol style="list-style-type: none">1. Ngaahi me'a ke fakamu'omu'a ki he ngaahi sēvesi ako'anga tokamu'a kuo laisení2. Fakamatala fakafika (data) mo e fakamatala fekau'aki mo e tu'unga 'o hono fakahoko 'o e sēvesí, tupulaki ki he kaha'ú, tu'unga 'o e fiema'u mo e fiema'u ko ia 'o ha ako'anga tokamu'a kuo laisení3. Ha toe fakamatala fakalahi kehe te ne tokoni'i kinautolu 'oku 'amanaki fakahū 'enau tohi kole ki ha fakangofua ke nau pule'i ha netiueka <p>'Oku mau fokotu'u atu 'a e ngaahi me'a 'oku fakamu'omu'a ko 'ení ma'a e ngaahi ako tokamu'a:</p> <ul style="list-style-type: none">• Ngaahi sēvesi ki he lea Faka-Maulí mo e lea kehé mo e ako'i 'o e ngaahi lea fakafonuá ('a ia 'oku 'ikai faka'atā meí he fiema'u ko ia ke ma'u atu 'a e fakangofua mei he mafai pule'i 'o e netiueká)• Ngaahi sēvesi 'a e Hapū/iwi• Ngaahi sēvesi makehe ki hono 'ilo'i'anga 'o e kakai Maulí mo honau 'ulungaanga fakafonuá• Ngaahi sēvesi ki he lea Pasifikí mo hono ako'i 'o e ngaahi lea

fakafonuá

- Ngaahi sēvesi ‘i he Lea fakafonua ‘o e Pasifikí mo e/pe ki he ‘ulungaanga fakafonuá
- Ngaahi sēvesi ki he ako kakato ‘i ha lea hono ua (‘ikai ko e lea faka-Pilitāniá/Mauli/Pasifikí)
- Ngaahi sēvesi kuo fakanāunau lelei ki hono tokonia ‘o e ngaahi fiema‘u tokoni ki he ‘ilo fakaakó
- Ngaahi sēvesi kuo fakanāunau lelei ma‘á e kakai toki hiki fo‘ou maí mo kinautolu kuo kumi hūfanga maí
- Ngaahi sēvesi kuo palani ke fakahoko ngāue ‘i ha tu‘u‘anga ‘apiako fo‘ou
- Ngaahi Kautaha kuo fakapa‘anga ‘aki ‘a e Fakapa‘anga Tu‘upau ki he Kau ki aí (Targeted Assistance for Participation pe TAP)

‘E kei lava ke kei fakangofua atu pē ‘a e ngaahi sēvesi ‘oku kole ki he ngaahi feitu‘u ‘oku si‘isi‘i ai ‘a e fakahoko ngāué (pe feitu‘u ‘oku ngalingali ‘e si‘isi‘i ai ‘a e fakahoko ngāué koe‘uhī ko e tupulaki ke tokolahī ange ‘a e kakai) neongo ‘oku ‘ikai ke nau fakakakato ‘a e ngaahi me‘a ‘oku fakamu‘omu‘á.

‘E lava ke ma‘u atu ‘a e fakamatala lahi ange ‘o fekau‘aki mo eni ‘i he **uepisaiti ‘a e mafai pule‘i ‘o e netiueká**

[<https://www.education.govt.nz/early-childhood/running-a-service/network-management-for-licensed-early-childhood-services>](https://www.education.govt.nz/early-childhood/running-a-service/network-management-for-licensed-early-childhood-services)

2. Tu‘utu‘uni ngāue ki he ngaahi lao fakangāue fo‘oú

‘E ‘i ai pē ‘a e ngaahi lao fakangāue pau ia ki hono pule‘i ‘o e netiueká.

‘Oku mau kumi fakakaukau ki he ngaahi tafa‘aki ‘e nima ki he ngaahi lao fakangāue:

1. Fakamatala ‘oku fiema‘u ‘i he ngaahi tohi kole ngofua ke pule‘i ha netiueká
2. Ngaahi tu‘unga taimi ki hono fakakakato ‘a e ngaahi vakavakai‘í mo e faitu‘utu‘uní ‘e he Sekelitali Akó mo e Minsitā Akó, ‘i hano fiema‘ú
3. Founga ki hono tuku faka‘ofisiale atu ‘o e fanonganongo ki he fakangofua ‘o hono pule‘i ‘o e netiueká mo hono ngaahi fakaikiikí
4. Ngaahi founga mahino ki he:
 - Sekelitalí ‘i hono fakakakato ‘a hono vakai‘í ‘o e tu‘unga taau mo totonú pea mo e lelei ‘o e tu‘unga fakapa‘angá
 - Tohi kole ke liliu ‘a e fakangofua ki hono pule‘i ‘o e netiueká ke fakatatau mo hono tu‘utu‘unia ‘e he laó, hangē ko e ‘aho ‘oku ‘osi ki ai ‘a ‘ene aongá pe ngaahi makatu‘unga kuo fokotu‘ú.
5. Tohi lēsisita ‘o e ngaahi fakangofua ki hono pule‘i ‘o e netiueká mo kinautolu na‘e to‘o ‘a ‘enau ngofuá ‘a ia ‘oku ‘ikai ala fakamahino‘i ‘i he ngaahi lao fakangāue ko ‘ení

‘Oku ‘ikai ke mau kumi atu ki ho‘o fakakaukau fekau‘aki mo e ngaahi totongi ‘oku fokotu‘u atú. Ko hono ‘uhingá he na‘a mau ‘osi fakatalanoa atu ki he sekitoa ngāué fekau‘aki mo e totongi kuo fokotu‘ú ‘i he 2021 pea na‘e ‘i ai ha poupou ki he totongi ko ‘ení. ‘E fokotu‘u ‘e he ngaahi lao fakangāue fo‘oú ha totongi ko e \$500 (tānaki atu ki ai mo e GST) ki he tohi kole takitaha.

Founga ke 'omai ai ha'o iau

Ke ma'u ha tatau 'o e fakamatala fakapepa kakato 'o e fakatalanoa ki hono fakahoko 'o e fatongia fo'ou ki hono pule'i 'o e netiueka ki he ngaahi sēvesi ako'anga tokamu'a kuo laisení, 'alu ki he [Network-management-public-consultation-document-April-2022](#). Kapau 'oku ke fie 'omi ha fakakaukau fekau'aki mo e ngaahi fokotu'u i 'olunga, te ke lava foki 'o fakakakato ha savea i he <https://consultation.education.govt.nz/ece/network-management-priorities-for-national-and-reg>

Te ke toe lava foki 'o fakahū mai 'a ho'o fakakaukaú 'o fakaikiiki mai i ha tohi ki he Earlylearning.Regulatoryreview@education.govt.nz pe ko e tu'asila ko 'ení:

Early Learning Regulatory Review
Ministry of Education
PO Box 1666
Wellington 6140

'Oku fiema'u 'e he Potungāue Akó ke a'utaki ki ai 'a e ngaahi fakakaukaú i he 'aho **2 Sune (June) 2022**.

Kapau 'oku 'i ai ha'o ngaahi fehu'i fekau'aki mo hano fakahū mai 'o ha fokotu'u fakakaukau, pe fiema'u ha fakamatala lahi ange, kātaki 'o 'īmeili ki he Earlylearning.Regulatoryreview@education.govt.nz